

րաւացիօրէն եւ հին պատգամի ճանապարհին ընկած բոլոր նահատակներին անգործութիւն մաղթել իրանց բացօղեայ կամ հողաչէն դե-  
րեզմաններում :

«Թող այդպէս լինի» :

Եւ Դ. Անանունի դերքը կը վերջանայ այդ պաթեթիկ «ամէն»ով :

«Թո՛ղ այդպէս լինի»... :

Բայց մենք չենք թողնի, որ «այդպէս լի-  
նի» : Մենք չենք թողնի, որ հայոց պատմու-  
թիւնը խարդախուէի, թէկուզ յանուն սրբա-  
զան մարքսիզմի ու պրոլետարիատի... Մենք  
չենք թող տայ, որ Հայաստանը կործանողնե-  
րը, էնվէրի ու Քեմալի դաշնակիցները հան-  
դէս դան հայ ժողովրդի ազատարարի դերում,  
իսկ անձնուէչներու լէզէոնը, նա որ երեսուն  
տարի տապալուեր է բռնակալութեան քուրա-  
ներում՝ հասցնելու համար հայ դատը 1918-ի  
օրերուն՝ նետուի թեթեւ սրտով «չահագոր-  
ծողներու» եւ արտօնեալներու բանակը»...

Հայ մարքսիստները շատ կը խօսին «չա-  
հագործումի» ու «չահագործողներու» մասին  
եւ չեն գիտեր, թէ որքան անխղճօրէն իրենք կը  
շահագործեն — քա՛հն տարիէ ի վեր — հայ  
ժողովրդի համբերութիւնը եւ իրենց փոքրա-  
րաթիւ համախոհներու միամտութիւնը :

Տրամաբանութիւնը — շատոնց գիտենք  
այդ — անոնց սիրած գէնքերէն չէ : Տրամաբա-  
նութեամբ չի կարող պարծենալ մանաւանդ Դ.  
Անանունը : Հոս ականատես ենք անոր մէկ ճըշ-  
մարիտ salto mortale-ին : Վայրկեան  
մ՛տառձ, Դաշնակցականի մը ոգեւորու-  
թեամբ, նա խունկ կը ծխէ հին, դարաւոր  
պատգամին, որ «իրականացաւ 1918-ին», կը  
ներբողէ հայոց ազատութեան ու անկախու-  
թեան պայքարները, — վայրկեան մը յետոյ  
այդ պայքարներու ղեկավարները, «հին պատ-  
գամի» մարդիկ եւ ամենէն առաջ Դաշնակցա-  
կանները կը յայտնուին «արտօնեալներ»,  
«խարդախութեան ու շահագործման շաղկով»  
ընթացողներ :

Այդպէս կ'որակուի Արամի, Ռոստոմի ու  
Մուրատի կուսակցութիւնը, որ 1918-ի աննա-  
խընթաց ճգնաժամի օրերուն հոգի ու մարմին  
հաղորդեց «հին պատգամին» եւ իրապէս խօ-  
յական թռիչքներով իրականացուց անկախ  
Հայաստանը... դոր յետոյ կործանեց Անանու-

նի ինկարկած ոռւս բանուորութիւնը :

Այս արդէն, ինչպէս Ֆրանսացին կ'ըսէ,  
փոքր ինչ չափազանց է...

Դժուար է բմբունել հեղինակի այս տրա-  
մաբանական ոստիւնը, անգամ եթէ զինուած  
լինինք մարքսիզմի բոլոր նրբութիւններով :

Ո՞վ իրականացուց, վերջապէս, «հին  
պատգամը» : Ո՞չ հայ մարքսիստները, ապա-  
հովարար : Բայց վերջինները կը պատասխա-  
նեն.

— Ո՞չ ալ Դաշնակցականներն էին, — հայ  
ժողովուրդն էր :

Հանգուցեալ Ղազարոս Աղայեանը կը սի-  
րէր զինքը Հնչակեան անուանել եւ հակառակ  
ատոր, Դաշնակցական պատուիրակները հո-  
գարարձական ու այլ ընտրութիւններու ատեն,  
մեծամասնութիւն կազմելով, միշտ անոր ձայն  
կուտային, ի նշան իրենց յարգանքի դէպի  
սիրուած վեթերանը : Եւ երբ կատակով կը  
հարցնէինք իրեն՝ «Ղազարո՛ս, ո՞վ ընտրեց  
քեզի», կը պատասխանէր.

— Ժողովուրդը :

Լաւ գիտէր, որ այդ ժողովուրդը Դաշ-  
նակցութեան կը հետեւէր եւ որ առանց վերջի-  
նի հաւանութեան, ինքը երբեք չպիտի ընտը-  
ուէր, բայց յամառօրէն չէր ուզեր ընդունել  
այդ :

Շատ շատերը, հակառակորդութեան ոգով  
տարուած, կը խուսափին Դաշնակցութեան ա-  
նունը տալէ, անգամ այնպիսի պարագանե-  
րում, երբ բացայայտ է, որ այդ կուսակցու-  
թիւնը ամբողջ գործի առանցքը կը կազմէ :

Բայց երբ աղէտ ու ձախորդութիւն կայ —  
օ՛, այն ատեն անվերջ կը խօսին Դաշնակցու-  
թեան մասին, անվերջ կը քաջքեն անոր անու-  
նը : Դրական, հայրենաչէն գործերու մէջ Դաշ-  
նակցութիւնը — չկայ : Լուռութեան դաւ մը կայ  
անոր շուրջը : Բայց ձախորդութիւններու, ա-  
ղէտներու ատեն — ան մեն-մենակ է հրապա-  
րակի վրայ, որպէս պատասխանատու եւ քա-  
ւութեան նոխազ...

Այդպէս կը տրամաբանէ սովորական ամ-  
բոխը. բայց կան պատմութեան փիլիսոփաներ,  
որոնք շատ ալ հեռու չեն ամբոխէն :

Ո՞վ վարեց եկեղեցական գոյքերու կռիւը :  
— Ժողովուրդը :

Ո՞վ կազմակերպեց ու վարեց հայկական